

ZINEUSKADI 2020

“ZINEMA EUSKARAZ” PROGRAMA
ZE: 01-20

“Aretoetan eta zirkuitu alternatiboetan euskarazko filmen merkataritzako estreinaldiak bultzatzeko ekimenak laguntzeko programa”

1.- ZINEMA EUSKARAZ programa

ZINEUSKADI Elkartearen bidez, euskarazko filmen eskaintza bultzatu nahi da EAEko merkataritzako aretoetan eta zirkuitu alternatiboetan eta, horretarako, laguntza programa bat eratu da; 2020an merkataritza aretoetan eta zirkuitu alternatiboetan (fikzioa, dokumentala eta animazioa) euskaraz bikoiztu edo azpitulatutako estreinaldiak sustatzea helburu duena.

Ez dute laguntzarik jaso ahal izango "X" gisa kalifikatutako filmen estreinaldiek, zinematografiaren eta ikus-entzunezko sektorearen sustapenari eta promozioari buruzko 2001eko uztailaren 9ko 15/2001 Legeko 10.3. artikuluari jarraiki.

2.- Onuradunak.

1.- Edozein enpresek, profesionalek eta/edo ikus-entzunezko sektorearekin lotutako elkartek laguntza horiek jaso ahal izango dituzte.

3.- Laguntzen helburua eta kuantifikazioa.

Laguntzak Euskarara egingo diren bikoizketetara edota azpitulazioa egitera, kopiak egitera, bideratuko dira. Eta, euskarara bikoiztu edo azpitulatu diren bertsioren promoziorako 3.000 euro bideratuko dira gehienez.

ZINEUSKADIk, EitBrekin sinatutako hitzarmena baliatuz, pelikularen euskarazko bertsioren estreinaldia indartzeko konpromisoa hartzen du EitB etxeko medioetan (HIRU3 Kluba, Radio Euskadi, Euskadi Irratia, Gaztea, Radio Vitoria, ETB1, ETB2, Eitb.eus) sustapen eta publizitate kanpaina eginez.

Proiektu bakoitzari dagokion laguntzaren zenbatekoa zehazteko –zenbatekoak ezingo du gastuen % 100 gainditu– proposamen bakoitzaren beharren arabeko sistema bereizgarria aplikatuko da.

4.- Eskaerak, epeak eta aurkeztu beharreko dokumentazioa.

Eskaerak aurkeztu beharko dira:

- 1) Urtarrilaren 15tik abenduaren 31ra.

Balorazio batzordeak eskaeren behin betiko proposamena eskaerak jaso ahala sortuko du beti ere izenburu bakoitzaren estreinaldi data ezberdinak kontuan izanda.

Eskaerak filmen proposamenekin, I, II eta III eranskinak, ZINEUSKADiko zuzendariei bidali beharko zaizkio, deialdiko eranskinetan eskatutako dokumentazioarekin batera, helbide honetara:

ZINEUSKADI

TABAKALERA 3. solairua

Andre Zigarrogileen Plaza, 1

20012 Donostia-San Sebastián Edo posta elektronikoko bidez: info@zineuskadi.eu

5.- Eskaeren analisisia eta ebazpen-proposamena.

Balorazio batzordeak proposamen bakoitza aztertuko du eta ebazpena ondorengo ataletan adierazitako irizpideen aplikazioan oinarrituko da.

- a) Familiako publikoari zuzendutako ekimenak, bereziki haurrak baloratuta: % 60 arte.
- b) Produktuaren aurreikus daitekeen merkataritzako inpaktua. Xede horretarako, besteak beste, honako hauek hartuko dira kontuan: dagokion lanak jatorrizko herrialdean eta jaialdietan izandako arrakasta: % 20 arte.
- c) DVDaren edo BRaren komertzializazioa, euskaraz edo euskarazko bertsioarekin.: % 20 arte.

6.- Balorazio-batzordearen osaketa.

- a) ZINEUSKADiko presidentea. Eusko Jaurlaritzako Kulturaren Sustapeneko zuzendaria edo bere eskuordetza.
- b) EAEko eskola-zirkuituetako zinema programatzaile bat.
- c) EZAeko (Euskadiko zine aretoen elkarte) ordezkari bat.
- d) DONOSTIA ZINEMALDIAko ordezkari bat.
- e) Gurutze Peñalva, ZINEMA EUSKARAZ programako koordinatzailea.

7.- Ebazpena.

Behin balorazio batzordeak proposamena onartuta eta, honen ebazpen bidez, interesatutakoei filmen proposamenak aurkeztu eta gehienez 5 eguneko epean jakinaraziko zaie.

8.- Diru-laguntzen ordainketa honela izapidetuko da:

Laguntzaren % 100, diruz lagundutako jarduerari dagozkion fakturen aurkezpenarekin justifikatuta eta dagozkien ordainagiriak.

9.- Laguntzen bateragarritasuna.

Ezingo dute laguntzarik eskuratu ETB koproduttore elkartua duten proiektuek, ez eta ETBk euskarazko bertsioaren emisio-eskubideak erosi dituen proiektuek.

ETBk euskarazko bertsioaren emisio-eskubideak soilik eskuratu dituen kasuetan, Zineuskadik kopiak zinema aretoetan estreinatu ahal izateko beharko duen formatu digitala sortzeko gastuak soilik lagunduko ditu.

Halaber, ezingo dute laguntzarik eskuratu, Eusko Jaurlaritzak emandako laguntzetan jatorrizko bertsioa euskarazko bezala markatu duten proiektuek (ekoizpena, finantzaketa, gidoi sorkuntza, etab.)

Laguntzak xede bereko beste erakundeek emandako laguntzekin bateragarriak izango dira, diruz lagundutako jardueraren gainfinantzaketarik ez dagoenean, betiere.

Hori gertatuz gero, deialdi honen laguntzaren zenbatekoa txikituko da dagokion mugaraino, gainfinantzaketa hori gerta ez dadin.

Donostian, 2020ko urtarrilaren 15a

ZINEUSKADI Elkarteko zuzendaria
Aitziber Atorrasagasti Calcedo